

VOUTELA ANC KA LA 1 HLAKUBELE



**Leano le
tla etsa
mmuso wa
motse oo
sebeletse
hantle**



SESOTHO

Afrika Borwa e ya e ntse e ntlafala

Batho ba bangata jwale ba se ba fumana metsi a hlwekileng le motlakase malapeng a bona. Batho ba bangata ba na le menyetla ya ho ntlafatsa maphelo a bona, le hore ba rutehe ba fihlelle bokgoni bo itseng. Re leboha moruo o ntseng o hola mme o thea le menyetla ya mesebetsi, o etsa le hore re kgone ho fokotsa bofuma. Batho ba bangata ba Afrika Borwa ba kgonne ho fumana matlo, mobu le thuto.

Le ha e le hore re sa thabisitswe ke dikatleho tse, ho sa le hongata ho lokelang ho etswa.

Ka boiphihlelo ba rona, le ka ho mamela maikutlo a batho, re ithutile ho hongata.

Ke ka hoo ANC e nang le leano la ho etsa hore mmuso wa selehae o le sebeletse ka tsela e ntlafetseng.



Ka ho sebetsa mmoho le lona, ANC e tla:

- **Potlakisa phumantsho ya ditshebeletso** ho netefatsa hore batho ba Afrika Borwa bohle ba fihlella metsi a hlwekileng le tsamaiso ya dikgwerekgwere e sebetsang hantle haholo ho ya selemong sa 2010, le hore matlo ohle a be a na le motlakase ho ya selemong sa 2012, mme malapa ohle a fumane ditshebeletso tsa motheo tsa sesolo.
- **Ntlafatsa phumantsho ya matlo**, e netefatse hore ho ba le matlo a boleng bo ntlafetseng haufi le dibaka tsa mesebetsi.
- **Aha dibopeho tsa motheo, e tsoelletse ntshetsopele ya moruo wa sebaka mmoho le ho lwantsha bofuma** ka ho sebedisa mananeo a mesebetsi ya setjhaba le mananeo a mang a ikgethang moo ho dulang batho ba futsanehileng le ho feta.
- **Theha menyetla ya mesebetsi** ka ho hloma diprojeke tse kgolo diprovinseng tsohle.
- **Netefatsa hore lentswe la hao le a mamelwa**, ka ho matlafatsa tshebetso tsa ho ba le seabo Dikomiting tsa Diwoto le diforamong tse ding tseo o ka bang le lentswe ka ho otloloha ntshetsopeleng ya baahi ba heno.
- **Thusa makgotla a metse hore a fihlelle ditlhoko tsa lona**, ka ho sebedisa mananeo a jwalo ka Project Consolidate le a mang a netefatsang hore mmuso wa naha le mebuso ya diprovinse e sebetsa ka matla ho tshehetsa makgotla a metse.
- **Fana ka mehlodi ya thuso e eketsehileng mme e rupelle le basebetsi** bakeng sa mebuso ya selehae.
- **Rupella balekgotla bohle** ba sebeletse metse ya bona ka bokgoni.
- **Lekola tshebetso ya balekgotla kgafetsa** ho netefatsa hore ba phethahatsa seo ba itlammeng hore ba tla se etsesa batho.

**KE ANC FEELA E NANG LE BOIPHILELO LE
BOKGONI BA HO KOPANYA MA-AFRIKA
BORWA KA SEPHEO SA HO BOPA METSE
E NTLAFETSENG.**



**Ka hoo, tshehetsa morero wa ho etsa
hore mebuso ya selehae e le sebeletse ka
mokgwa o ntlafetseng.**

**Ka ho sebetsa mmoho, re ka kgona hape
re tla etsa ho hongata.**

**Voutela ANC dikgethong tsa mebuso ya
selehae ka la 1 Hlakubele.**

Voutela ANC

1 MARCH 2006

